

Ang Grasya sa Mga Sulat ni Pedro

Basahong Kasulatan: 1 Ped. 1:2, 10, 13; 2:19-20; 3:7; 4:10; 5:5, 10, 12; 2 Ped. 1:2; 3:18

- I. Ang grasya mao ang nabanhawng Cristo nga Espiritung taghatag-og-kinabuhi nga naghatag sa Iyang Kaugalingon kanato sa walay bayad, nahimong tanan nato, ug nagbuhat sa tanan diha nato, alang nato, ug pinaagi nato aron mapahimuslan nato—Juan 1:14, 16-17; 2 Cor. 1:8-9, 12; Gal. 2:20; itandi sa 1 Cor. 15:10.**

- II. Ang pagdagaya sa grasya mao ang grasyang nidagaya sa adlaw-adlaw nating kinabuhi sa hingpit nga pagkaila nato sa Dios ug ni Jesus nga atong Ginoo; dato, nidagaya, ug daghan ang grasya sa Dios sa pamatigayon Niya—1 Ped. 1:2; 2 Ped. 1:2; Juan 1:16; Efe. 1:6-8; 2:7; Rom. 5:17, 21; 1 Tim. 1:14; Bug. 22:21:**
 - A. Modagaya ang grasya kanato pinaagi sa atong mga pag-antos, mga paglimiti kanato, ug mga kaluyahon; ang grasya mao si Cristo nga Tigpas-an-sa-luwan nato; labi kadaghan ang atong luwan, maglabi kadaghan sab ang kahigayonan nga makasinati ta ni Cristo nga grasya—2 Cor. 12:7-9; itandi sa 1:12, 15.
 - B. Ang pagpahimulos sa Ginoo nga grasya naa niadtong nahigugma Niya—Efe. 6:24; Juan 21:15-17; 1 Ped. 1:8.
 - C. Ang pagpahimulos nato sa Ginoo nga grasya lakip na sa diosnong kinaiya Niya pinaagi man sa pagdawat ug pagpabilin nato sa pulong sa Iyang grasya, nga naglakip sa tanang hamili ug dagko gyod kaayong mga saad Niya—Buh. 20:32; 2 Ped. 1:4; Efe. 6:17-18.

- III. Nanagna ang mga propeta sa Daang Tugon kalabot sa grasyang moabot kanato—1 Ped. 1:10:**
 - A. Gipatin-aw sa Espiritu ni Cristo sa mga propeta sa Daang Tugon ang kalabot ni Cristo nga moabot ingon nga grasya nganhi nato pinaagi sa Iyang pagpakatawo, sa mga pag-antos Niya sa Iyang pagkinabuhi isip tawo ug pagkalansang sa krus, ug sa mga himaya Niya sa Iyang pagkabanhaw, pagkayab, ikaduhang pag-anhi, ug paghari aron ikaaplikar kanato ang hingpit nga kaluwasan sa Dios—vv. 5, 9-10; itandi sa Sal. 22; Isa. 53; Dan. 9:26.
 - B. Bisan tuod iya-sa-dispensasyong giumpul ang Espiritu ni Cristo tungod sa ug pinaagi sa kamatayon ug pagkabanhaw ni Cristo sa panahon sa Bag-ong Tugon (Juan 7:39; Rom. 8:9-11), walay kataposan ang kagamitan sa Espiritu, kay Siya man ang walay kataposang Espiritu (Heb. 9:14).
 - C. Naa sa mga propeta sa Daang Tugon ang Espiritu ni Cristo, sa walay kataposang kagamitan Niya, nagpatin-aw kanila kalabot ni Cristo nga moabot sa mga magtutuo sa Bag-ong Tugon aron mahimong igo-sa-tanan ug walay kinutobang grasya sa hingpit nga kaluwasan sa Dios para nila aron makasulod sila sa kalipay sa Ginoo sa panahon sa gingharian, nga mao ang kaluwasan sa ilang kalag—Juan 1:17; Heb. 10:29; 1 Ped. 1:9 Mat. 25:21, 23.
 - D. Giaplikar sa Espiritu ni Cristo ang hingpit nga kaluwasan sa Dios isip grasya kanato pinaagi sa duha ka palagianan: sa pagpanagna sa mga propeta sa Daang Tugon ug sa pagsangyaw sa mga apostol sa Bag-ong Tugon—1 Ped. 1:10-12; itandi sa Bug. 2:7.

IV. Ang grasyang hingpit nga gilaoman sa mga magtutuo ipadangat unya kanila inigpadayag na ni Jesucristo—1 Ped. 1:13:

- A. Ang grasyang ipadangat kanato inigpadayag na ni Jesucristo nagpasabot sa kaluwasan sa kalag, nga kahingpitan sa hingpit nga kaluwasan sa Dios—vv. 5, 9-10:
 - 1. Ang grasyang gihatag kanato diha ni Cristo gihatag man kanato sa wala pa magsugod ang kalibotan—2 Tim. 1:9; Tito 2:11.
 - 2. Ang Dios, nga naa na sa sinugdan, nahimong unod sa panahon isip grasyang madawat, mapanag-iya, ug mapahimuslan sa tawo—Juan 1:1, 14, 16-17.
 - 3. Ang nahikay nga Tulo-usang Dios, nga nahingpit nga Espiritung malangkobon-sa-tanan, taghatag-og-kinabuhi, ug nagpuyo-sa-sulod, nahimo nang Espiritu sa grasya nga naa sa atong espiritu—1 Cor. 15:45; 2 Cor. 3:17; Heb. 10:29; Gal. 6:18; Fil. 4:23.
- B. Bukas gyod unta tang mga sudlanan adlaw-adlaw aron mahimong makanunayong mga tigdawat sa grasya, ug bug-os ug hingpit gyod tang molaom ning grasyaha—Rom. 5:17; 1 Ped. 1:13.

V. Ang grasya uban sa Dios sa 1 Pedro 2:19-20 nagpasabot sa pagdasig sa diosnong kinabuhi sa sulod nato ug sa pagpadayag niini sa pagkinabuhi nato, nga mahimong puno-sa-grasya ug hinangponon sa panan-aw sa tawo ug sa Dios sa paggawi nato:

- A. Ang grasya nga mao ang nahikay nga Tulo-usang Dios nga kapahimuslan nato nahimong pagdasig nato sa sulod ug pagpadayag nato sa gawas sa suod nga pakig-ambitay nato sa Dios ug sa pagkabatyang nato Kaniya; kat-onan gyod natong tanan nga makabaton og grasya, nga mao ang pagdawat, pagpanag-iya, paggamit, ug pag-aplikar sa grasya—Heb. 12:28.
- B. Ang nahikay nga Tulo-usang Dios nga grasyang nadawat ug napahimuslan nato madayag ug makita sa uban diha sa balaang pagkinabuhi nato ug sa mga tigom sa iglesia—Buh. 11:23.
- C. Gitawag ta aron magpahimulos ug magpadayag ni Cristo nga grasya diha sa mga pag-antos aron mahimo tang hulad, kun xerox copy, ni Cristo nga sumbanan nato, uyon sa Dios-tawong pagkinabuhi Niya—1 Ped. 2:20-21.

VI. Ang grasya sa kinabuhi mao ang panulundon sa tanang magtutuo, kusganon ba siya o maluyahon—3:7:

- A. Ang grasya sa kinabuhi mao ang Dios nga kinabuhi ug sangkap sa kinabuhi alang nato diha sa Iyang Diosnong Trinidad—ang Amahan nga tinubdan sa kinabuhi, ang Anak nga palatayanan sa kinabuhi, ug ang Espiritu nga agay sa kinabuhi, nga nag-agay sa sulod nato, uban sa Anak ug sa Amahan, ingon nga grasya alang nato—1 Juan 5:11-12; Juan 7:38-39; Bug. 22:1.
- B. Mga manununod ta nga manunod sa grasya sa kinabuhi ug mga sudlanan nga sudlan sa grasya sa kinabuhi—1 Ped. 3:7; Efe. 1:14; 2 Cor. 4:7.

VII. Ang nagkadaiyang grasya sa Dios nagpasabot sa kadato sa grasya Niya sa nagkadaiyang aspeto niini nga gipangalagad sa mga balaan sa usag usa—1 Ped. 4:10:

- A. Ang nagkadaiyang grasya sa Dios mao ang datong sangkap sa kinabuhi, nga mao ang Tulo-usang Dios nga gipangalagad kanato sa daghang aspeto—2 Cor. 13:14; 12:9.
- B. Mahimo gyod unta tang maayong mga piniyalan sa nagkadaiyang grasya sa Dios, nga mamulong sa mga pulong sa grasya isip mga oraculo sa Dios ug mangalagad

tungod sa kusog ug gahom sa grasya, nga gisangkap sa Dios—1 Ped. 4:10-11; Luc. 4:22; Efe. 3:2; 4:29.

VIII. Gihatagan sa Dios og grasya ang mga mapaubsanon, apan gisanta Niya ang mga mapahitas-on—1 Ped. 5:5:

- A. Diha sa iglesiahanong kinabuhi baksan gyod natong tanan ang atong kaugalingon og pagkamapaubsanon ngadto sa usag usa aron makapahimulos ta sa Dios nga Taghatag-og-grasya—itandi sa Juan 13:3-5.
- B. Magluwas nato sa tanang matang sa pagkadaot ug magpadangat sa grasya sa Dios ang pagpaubos, samtang maghimo natong numero unong buang ang garbo—Sant. 4:6; Sal. 138:6; Prov. 29:23.
- C. Mosugot gyod ta nga ipaubos sa gamhanang kamot sa Dios sa pagdisiplina Niya ug itugyan ang atong kinabuhi lakip na ang kabalaka niini ngadto sa Dios, kay mahigugmaon ug matinumanon man Siyang nag-atiman nato—1 Ped. 5:5-7; itandi sa Sal. 55:22.

IX. “Ang Dios sa tanang grasya”—nga nagtawag sa mga magtutuo ngadto sa Iyang walay kataposang himaya—maghingpit, magtukod, maglig-on, ug magpasukad nila pinaagi sa ilang mga pag-antos; kining “tanang grasya” mao ang “tinuod nga grasya sa Dios,” nga sudlan ug barogan sa mga magtutuo—1 Ped. 5:10, 12.

X. Ang tinuod nga grasya sa Dios mao ang grasyang tuboan sa mga magtutuo nunot sa pagkaila sa atong Ginoo ug Manluluwas nga si Jesucristo, ngadto sa Iyang himaya karon ug ngadto sa adlaw sa eternidad; kini ang panghina-pos nga pulong sa mga sinulat ni apostol Pedro, nga nagpakita nga iya sa, diha sa, gumikan sa, ug pinaagi sa grasya sa Dios ang tanang gisulat niya—2 Ped. 3:18: